

**ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ ԴԻՎԱՆԱՊԵՏ
ԳԵՐԱԾՆՈՐՀ Տ. ՆԵՐՍԵՍ ԵՊՍ. ՊՈԶԱՊԱԼՅԱՆԻ
ՈՒՂԵՎՈՐՈՒԹՅՈՒՆԸ ԲԱՔՈՒ ԵՎ ԱՅՑԵԼՈՒԹՅՈՒՆԸ
ԱՂՐԲԵՋԱՆԻ ՀԱՅՈՑ ԹԵՄԻՆ**

1983 թվականի հոկտեմբերի 23-ին Սուրբ Էջմիածնի Մայր տաճարում տեղի ունեցան եպիսկոպոսական ձեռնադրություններ: Ամենայն Հայոց Տ. Տ. Վազգեն Ա Սրբապնագույն կաթողիկոսի ձեռքով, սուրբ պատարագի ընթացքում, ի ներկայության բազմաթիվ հավատացյալների, Մայր Աթոռի միաբաններ Տ. Գրիգորիս վարդապետ Բունիաթյանը (Արգենտինայի հայոց թեմի առաջնորդ), Տ. Գարեգին վարդապետ Ներսիսյանը (Արարատյան հայրապետական թեմի առաջնորդական փոխանորդ) և Տ. Անանիա Ժ. վարդապետ Արաբաջյանը (Աղբբեջանի հայոց թեմի առաջնորդ) ստացան եպիսկոպոսական ձեռնադրություն, օծում և աստիճան:

Այնուհետև նորած եպիսկոպոսները Մայր տաճարում և Արարատյան թեմի եկեղեցիներում կատարելով իրենց անդրանիկ ուխտի պատարագները, վերադարձան իրենց թեմերը՝ վերանորոգված եռանդով և սրբապան կոչման կատարյալ գիտակցությամբ:

Այս առթիվ Ամենայն Հայոց կաթողիկոսի կողմից գրվեցին սրբատառ կոնդակներ՝ կարդացվելու համար տեղական թեմերում ի լուր հավատացյալ ժողովրդի և ի գիտություն կրոնական գծով տեղական պետական մարմինների, որպես թեմակալ առաջնորդների ինքնությունը վկայող փաստաթղթեր:

Սույն թվականի նոյեմբերի 4-ին Մայր Աթոռի դիվանապետ Տ. Ներսես եպիսկոպոս Պոպապալյանը, որպես Ամենայն Հայոց կաթողիկոսի ներկայացուցիչ, պաշտոնական այցով ուղևորվեց Բաքու՝ Աղբբեջանի հավատացյալ հայ ժողովրդին տանելու Հայոց Հայրապետի օրհնություններն ու սրբատառ կոնդակը:

Այս առթիվ գերաջնորի սրբապան հորն ուղեկցում էր բարեջնորի Հայկ սրկ. Զիլինգարյանը:

Նոյեմբերի 6-ին, կիրակի օրը, առավոտյան ժամը 11-ին, Բաքվի հայոց Ս. Գրիգոր Լուսավորիչ եկեղեցում հանդիսավորությամբ տեղի ունեցավ սուրբ և անմահ պատարագի արարողություն: Թեմի առաջնորդ Տ. Անանիա եպիսկոպոս Արաբաջյանը մատուցեց իր անդրանիկ եպիսկոպոսական պատարագը, որին ներկա էին բազմաթիվ հավատացյալներ: Պատարագին ներկա էին նաև Ռուս Պրավոսլավ եկեղեցուց՝ Տ. Պավլին վարդապետը և Աղբբեջանական ՍՍՀ կրոնական գործերի լիազորի պաշտոնակատար Սիմեոն Լեոնտիչ խլեբովոյը: Պատարագի ընթացքում, քարոզից սուաջ, «Ուրախ լեր» շարականի հնչյունների տակ, ավանդատից հանդիսավորապես բերվեց Ամենայն Հայոց կաթողիկոս Տ. Տ. Վազգեն Ա Հայրապետի կոնդակը՝ Աղբբեջանի հայոց առաջնորդ Տ. Անանիա սրբապանին եպիսկոպոսական ձեռնադրություն և օծում տալու մասին: Տ. Ներսես եպիսկոպոսը սուրբ խորանից, ի լուր ժողովրդի, հանդիսավորությամբ ընթերցեց Հայոց Հայրապետի սրբատառ կոնդակը: Այնուհետև իր քառույում Տ. Ներսես եպիսկոպոսը իր արտաբուխ ուրախությունը հայտնեց Տ. Անանիա եպիսկոպոսի ձեռնադրության առթիվ՝ Նոր Կտակարանից և Հայ եկեղեցու պատմությունից բերված վկայություններով վեր հանելով եպիսկոպոսի կոչման և պաշտոնի կարևորությունը: Որպես հովիվ Աղբբեջանի հայոց թեմի, մաղթեց լինել «հովիվ բաջ» և «մշակ առանց ամօթոյ»:

Ապա Տ. Անանիա սրբապանը իր անկեղծ

շնորհակալությունը հայտնեց Ս. Ներսես Եպիսկոպոսին՝ նրա եղբայրական հուպիչ խոսքերի համար: Նա սրբազան ուխտ կատարեց հավատացյալ հայ ժողովրդի և Վեհափառ Հայրապետի ներկայացուցչի առջև, լինել հավատարիմ մեր հայրերի ավանդություններին, դավանանքին և առաքելությանը:

Նույն օրը Ս. Ներսես Եպիսկոպոսը, ուղեկցությամբ Ս. Անանիա սրբազանի, Ս. Վարդան արեղայի, բարեշնորհ Հայկ և Ստեփան սարկավագների և եկեղեցական վարչության մի շարք անդամների, այցելեց Բաքվի 26 կոմիսարների հուշահամալիրը: Հայ Եկեղեցու ներկայացուցչին ուղեկցում էր նաև Ադրբեջանի կրոնական գործերի խորհրդի՝ քրիստոնեական Եկեղեցիների գծով բաժնի վարիչը: Ս. Ներսես Եպիսկոպոսը և նրան ուղեկցող անձինք Բաքվի Ս. Գրիգոր Լուսավորիչ եկեղեցու և հայ ժողովրդի անունից ծաղկեպսակ զետեղեցին Բաքվում կոնված 26 կոմիսարների հուշարձանին: Ապա կատարվեց հոգեհանգստյան պաշտոն:

Իր Բաքու այցելության առթիվ Ս. Ներսես Եպիսկոպոսը քաղաքավարական այցելություն տվեց Անդրկովկասի և Ադրբեջանի մահմեդականների կրոնապետ Փաշա-Չաղե Ալլահ-ջուբյուր Հումմատ օղլի Շեյխուլ-Իսլամին: Սրբազանին ուղեկցում էր Ս. Անանիա Եպիսկոպոսը:

Հայ Եկեղեցու բարձրաստիճան հոգևորականներին ջերմորեն ընդունեցին Շեյխուլ-Իսլամ Փաշա-Չաղեն և արտաքին հարաբերությունների բաժնի վարիչ Հաջի Սաբիր Ահմեդովը: Ընդունելությանը ներկա էր նաև Ադրբեջանի պոստի մահմեդականների կրոնապետը:

Նոյեմբերի 5-ին, առավոտյան, Մայր Աթոռի դիմանապետը, ուղեկցությամբ Ս. Անանիա Եպիսկոպոսի, Ս. Վարդան արեղայի, բարեշնորհ Հայկ և Ստեփան սարկավագների, եկեղեցական վարչության նախագահ տիկին Անայա Բեգլարյանի և պ. Վոլոդյա Հարությունյանի, պաշտոնական այցելություն տվեց Ադրբեջանի կրոնական գործերի խորհուրդ: Այստեղ հյուրերին ընդունեց Ադրբեջանի կրոնական գործերի խորհրդի՝ քրիստոնեական եկեղեցիների գծով բաժնի վարիչ պ. Սիմեոն Լեոնտիչ Նյեբովյուր, որն իր ուրախությունը հայտնեց ողջունելու Հայ Եկեղեցու, Ս. Էջմիածնի և Վեհափառ Հայրապետի ներկայացուցչին Ադրբեջանի հողի վրա:

Ս. Ներսես սրբազանը պ. Սիմեոն Լեոնտիչին փոխանցելով Հայոց Հայրապետի

յերմ ողջունները, իր գոհունակությունը հայտնեց, որ հայ ժողովրդի զավակները, գտնվելով Հայաստանից հեռու, ջրօղակալված են բազմաթիվ բարեկամներով և օտարության մեջ չեն պզում իրենց:

Այնուհետև հյուրերն այցելեցին Բաքվի ռուս պրավոսլավ Ս. Բոգորոդիցա (Ս. Աստվածածին) եկեղեցի: Եկեղեցում հյուրերին ջերմորեն ընդունեց և ողջունեց Ռուս Պրավոսլավ Եկեղեցու՝ Բաքվի և Ստավրոպոլի առաջնորդական փոխանորդ Ս. Պավլին վարդապետը, որը հյուրերին ծանոթացրեց իրենց եկեղեցու կյանքին ու գործունեությանը: Նա միաժամանակ իր ուրախությունը հայտնեց Ս. Անանիա սրբազանի ձեռնադրության առթիվ և հույս հայտնեց, որ Հայ Առաքելական և Ռուս Պրավոսլավ Եկեղեցիների միջև հետագա համագործակցությունն ու բարեկամությունը էլ ավելի կամրապնդվեն: Այնուհետև եկեղեցու վանքատանը հյուրերի պատվին տրվեց մրգասեղան: Ընդունելությանը ներկա էր նաև պ. Սիմեոն Լեոնտիչը:

Ս. Ներսես եպ. Պոպապայանի Բաքու այցելության առթիվ «Մոսկվա» հյուրանոցի ճաշարահում ի պատիվ սրբազան հոր տրվեց պաշտոնական ճաշկերույթ, որը կազմակերպել էին Ս. Անանիա սրբազանը և Բաքվի հայոց Ս. Գրիգոր Լուսավորիչ եկեղեցու վարչությունը: Ճաշկերույթին, բացի հայ հոգևորականներից և Բաքվի հայոց Ս. Գրիգոր Լուսավորիչ եկեղեցու վարչության անդամներից, ներկա էին նաև Ադրբեջանի կրոնական գործերի խորհրդից՝ պ. Էլզարը, Ռուս պրավոսլավ Եկեղեցուց՝ Բաքվի և Ստավրոպոլի թեմի առաջնորդական փոխանորդ Ս. Պավլին վարդապետը, Ս. Վիկտոր քահանան, Ս. Բոգորոդիցա ռուսական եկեղեցու վարչության նախագահը և գործադիր մարմնի անդամները: Ճաշկերույթի ընթացքում փոխանակվեցին բաժակաճառեր և եղան բարի մաղթանքներ:

Նոյեմբերի 7-ին Ս. Ներսես Եպիսկոպոսը հրաժեշտ տվեց Բաքու քաղաքին և մեկնեց Երևան:

Ս. Ներսես Եպիսկոպոսի այցելությունը Բաքու խանդավառություն ստեղծեց Բաքվի հայ գաղութի կյանքում և միջկրոնական հարաբերությունների սերտացման ուղղությամբ ունեցավ իր դրական կարևոր նշանակությունը:

ՀԱՅԿ ՍԱՐԿԱՎԱԳ ՉԻԼԻՆԳԱՐՅԱՆ